



醫書六種
蘭基軌範

八

武
770
8



明中武
170
卷 9



卷三湯方目

桂枝湯

麻黃湯

桂枝麻黃各半湯

桂枝

加葛根湯

葛根湯

葛根黃芩黃連湯

桂

板加芍藥湯

大青龍湯

桂枝加桂湯

小

柴胡湯

大柴胡湯

大承氣湯

小承氣湯

調胃承氣湯

桃核承氣湯

抵當湯

抵當丸

大陷胸湯

大陷胸丸

小陷胸湯

白虎湯

麻黃附子細辛湯

四逆散

四逆湯

四逆加入參湯

通脈四逆湯

通

通脈四逆湯方



豚四逆加猪胆汁湯

當歸四逆湯

理中丸及

湯 附子瀉心湯

梔子豉湯

真武湯

大黃黃連瀉心湯

白通湯

白通加猪胆汁方

猪膚湯

甘草湯

甘桔湯

瓜蒂散

麻黃升麻湯

旋復代赭湯

苦酒湯

枳

實梔子豉湯

竹葉石膏湯

燒裨散

猪胆

瀉法

蜜煎瀉法

治男子新病起房內復者方

治交接勞復陰卵腫縮人腹絞痛便欲死方

竹皮湯

療食勞方

治結胸炙法

鵲石散

鱉甲散

升麻鱉甲湯

升麻鱉甲去雄黃

蜀椒方

梔子仁湯

還陽湯

萎蕤湯

白虎加蒼朮湯

黑膏

以上傷寒

百合知母湯 百合滑石

代赭湯 百合雞子湯

百合地黃湯 百合

洗方 栝蒌牡蠣散

百合滑石散

以上九味羌

活湯

敗毒散

參蘓飲

以上感冒

四時加減柴胡方

天行熱病方

苦參湯

凝雪湯

大黃

湯

薰身法

以上寒熱

霍亂轉筋入腹

又方

又

方

廣濟高良薑湯

霍亂轉筋入腹方

菜

奠湯 灸法以上 栝蔞桂枝湯 麻黃加獨活防

風湯 以上 栝蔞瞿麥圓 滑石白魚散 茯苓戎

鹽湯 猪苓湯 治諸種淋方 石葦散

胞轉方 療小便難方 石葦散 蘓蜜煎

治石淋方 治熱淋方 四汁飲 牛膝膏

八正散 家韭子丸 治小便失禁方

夜多小便方 猪肚丸 縮泉丸 治尿床

癃閉 利淋

蘭臺軌範卷三

吳江徐靈胎洄溪著 孫男 埏濱陶校

傷寒

素問

素熱論篇帝曰今夫熱病者皆傷寒之類也或愈或死其死皆以六七日之間其愈皆以十日以上者何也岐伯對曰巨陽者諸陽之屬也其脉連於風府故為諸陽主氣也人之傷於寒也則為病熱熱雖盛不死其兩感於寒而病者必不免於死帝曰願聞其故岐伯曰傷寒一日巨陽受

之故頭項痛腰脊強二日陽明受之陽明主肉其脉俠鼻絡於目故身熱目疼而鼻乾不得臥也三日少陽受之少陽主胆其脉循脇絡於耳故胸脇痛而耳聾三陽經絡皆受其病而未入於臟者故可汗而已四日太陰受之太陰脉布胃中絡於嗌故腹滿而嗌乾五日少陰受之少陰脉貫腎絡於肺繫舌本故口燥舌乾而渴六日厥陰受之厥陰脉循陰器而絡於肝故煩滿而囊縮三陰三陽五臟六腑皆受病榮衛不行五臟不通則死矣陰脉皆連五臟故入臟非風寒直中也其不兩感於寒者七日巨陽病衰頭痛少愈八日陽

明病衰身熱少愈九日少陽病衰耳聾微聞十日太陰病衰腹減如故則思飲食十一日少陰病衰渴止不消舌乾已而噓十二日厥陰病衰囊縱少腹微下大氣皆去病日已矣帝曰治之奈何岐伯曰治之各通其臟脉病日衰已矣其未滿三日者可汗而已其滿二日者可泄而已水生熱也熱穴論帝曰人傷於寒而傳為熱何也岐伯曰夫寒甚則

兩感 素熱論帝曰其病兩感於寒者其脉應與其病形何如岐伯曰兩感於寒者病一日則巨陽與少陰俱病則

頭痛口乾而煩滿二日則陽明與太陰俱病則腹滿身熱不欲食譫言三日則少陽與厥陰俱病則耳聾囊縮而厥水漿不入不知人六日死帝曰五臟已傷六腑不通榮衛不行如是之後三日乃死何也岐伯曰陽明者十二經脈之長也其血氣盛故不知人三日其氣盡故死兩感則表裏同病

溫病暑病 素熱論凡病傷寒而成溫者先夏至日者為

病溫後夏至日者為病暑暑當與汗皆出勿止

陰陽交 素評熱病論帝問曰有病溫者汗出輒復熱而脈躁疾不為汗衰狂言不能食病為何岐伯曰病名陰陽

交交者死也帝曰願聞其說岐伯曰人所以汗出者皆生於穀穀生於精今邪氣交爭於骨肉而得汗者是邪却而精勝也精勝則當能食而不復熱復熱者邪氣也汗出者精氣也今汗出而輒復熱者是邪勝也不能食者精無俾也病而留者其壽可立而傾也且夫熱論曰汗出而脈尚躁盛者死今脈不與汗相應此不勝其病也其死明矣狂言者是失志失志者死今見三死不見一生雖愈必死也遺證 素熱論帝曰熱病已愈時有所遺者何也岐伯曰諸遺者熱盛而強食之故有所遺也若此者皆病已衰而

熱有所藏因其穀氣相薄兩熱相合故有所遺也帝曰善治遺奈何岐伯曰視其虛實調其逆從可使必已矣帝曰病熱當何禁之岐伯曰病熱少愈食肉則復多食則遺此其禁也

難經

傷寒有幾其脉有變不然傷寒有五有中風有傷寒有濕温有熱病有温病其所苦各不同中風之脉陽浮而滑陰濡而弱濕温之脉陽濡而弱陰小而急傷寒之脉陰陽俱盛而緊濟熱病之脉陰陽俱浮浮之而滑沉之散濟温病

之脉行在諸經不知何經之動也各隨其經所在而取之傷寒有汗出而愈下之而死者有汗出而死下之而愈者何也然陽虛陰盛汗出而愈下之即死陽盛陰虛汗出而死下之而愈陽虛陰盛者風傷衛而汗自洩寒氣在內而液乾枯陰氣欲竭也此以未出也陽盛陰虛者身熱汗閉燥火內結津有邪處為虛無邪處為盛

傷寒論六經脉症

太陽病脉浮頭項強痛而惡寒尺寸俱浮者太陽受病也其脉上連風府故頭項痛腰脊強發熱汗出惡風脉緩者名曰中風惡寒體痛嘔逆脉陰陽俱緊者名曰傷

寒發熱惡寒者發於陽也無熱惡寒者發於陰也發於

陽者七日愈發於陰者六日愈以陽數七陰數六也

陽明中風口苦咽乾腹滿微喘發熱惡寒脉浮而緊惡寒未離

太陽陽明病若能食名中風不能食名中寒 尺寸俱長者

陽明受病也其脉俠鼻絡於目故身熱目疼鼻乾不能臥

陽明外証身熱汗自出不惡寒反惡熱也邪氣已離太陽故不惡寒

陽明脉大以上皆陽明之經病有太陽陽明有正陽陽明有少陽陽

明此三條皆傳腑之症太陽陽明者脾約是也 少陽陽明者發汗

利小便已胃中燥煩實大便難是也 陽明之為病胃家

實也此正陽明陽明居中土也萬物所歸無所復傳始雖惡

寒二日自止此為陽明病也

少陽之為病口苦咽乾目眩也 尺寸俱弦者少陽受病

也其脉循脇絡於耳故胸脇痛而耳聾 少陽中風兩耳

無所聞目赤胸中滿而煩者不可吐下吐下則悸而驚

傷寒脉弦細頭痛發熱者屬少陽頭痛發熱與太陽同三而脉之弦細獨異

陽合病脉浮大上關上但欲眠睡目合則汗內極傷寒六

七日無大熱外熱輕則內熱重其人躁煩者此為陽去入陰也若

輕而不煩躁則病欲退矣傷寒三日三陽為盡三陰當受邪其人反能

食而不嘔此為三陰不受邪也

太陰之為病腹滿而嘔食不下自利益甚時腹自痛尺

寸俱沉細者太陰受病也其脉布胃中絡於噎故腹滿而

噎乾傷寒脉浮而緩手足自温者繫在太陰同一太陰病而有沉

細浮緩之殊蓋沉細乃太陰病脉浮緩乃太陰本脉也自利不渴者屬太陰以臟有

寒故也當温之宜服四逆輩此少陰自利而渴熱入下焦也

少陰之為病脉微細但欲寐也衛氣行於陽則寤行於陰則寐少陰病欲

吐不吐心煩但欲寐五六日自利而渴者屬少陰也尺

寸俱沉者少陰受病也以其脉貫腎絡於肺繫舌本故口

燥舌乾而渴

厥陰之為病消渴氣上撞心中疼熱飢而不欲食食則

吐衄下之利不止尺寸俱微緩者厥陰受病也以其脉

循陰器絡於肝故煩滿而囊縮厥陰中風脉微浮為欲

愈不浮為未愈

傷寒傳足不傳手經脉此本陶節庵最為明晰

足太陽脉起於目內眥從頸下後項連風府行身之後終

於足其外症頭疼項強腰脊痛骨節痛惡心發熱惡寒標

病宜發汗但太多則亡陽筋惕肉瞤小便不利者當利

自利者不可利利之引熱入膀胱其人如狂不可下下之為結胸

足陽明脉起於鼻頰絡於目循面下入迎入缺盆下膈屬胃行身之前終於足之厲兌穴故其症目痛鼻乾不得眠頭頰痛身熱微惡寒無汗者屬標病宜解肌身熱發渴汗出屬本病宜清熱解肌若惡熱自汗發渴去衣被發斑發黃發狂大便秘腹滿此正陽明胃腑病也宜下之足少陽脉起於目銳眥上抵頭循角絡耳中循胸脇行身之側終於足故頭角痛目眩耳聾脇疼心下痞寒熱往來

嘔而口苦膽熱也此經無標本只有小柴胡一湯和解隨症加減有三禁汗之犯太陽下之犯陽明利之犯少陰脉弦數者是本經症

足太陰為三陰經首其脉始於足大指上行至腹絡於喉連舌本行身之前也故腹滿自利咽乾嘔吐腹滿邪入脾也嘔吐脾氣不和也自利挾熱下利也咽乾脾脉連喉也頭不疼陰脉至頸而還也身微熱手足溫表邪解而傳入裏也身目俱黃標病宜平熱腹滿硬痛渴而喉乾小便赤大便難本病雖宜下然當分寒熱施治

足少陰脉始於足心上行貫脊循喉絡舌本下注心胸行
 身之後也其病手足乍冷乍温身不熱者標病二便不通
 舌乾口燥者本病此經本熱而標寒也宜急下以存腎水
 雖自利此是飲湯水所致不可疑為寒也初病大熱至此
 變為厥冷者是熱深厥亦深也急下之至陰又難拘定法
 因分直中者寒症傳經者熱症大抵六經中惟此難辨有
 直中與陰者有夾陰中寒者有夾陰傷寒者有虛陽伏陰
 者有陰極發躁者有漏底傷寒者前二症身不熱厥冷全
 似少陰傳經而冷者後四症身熱面赤又全似陽大要口

燥舌乾渴而謔語大便實者傳經熱症也足冷嘔吐瀉痢
 不渴或惡寒腹痛者直中真寒症也

足厥陰脉始於足大指上循陰器抵小腹循脇上口唇與
 督脉會於巔頂行身之側也其症煩憊囊拳消渴舌捲謔
 語大便不通而頭疼手足乍冷乍温者此是陽經傳來熱
 邪本病宜急下若發熱惡寒狀如瘧疾此是熱邪在經標
 病宜和解若不嘔便清當有大汗至而自愈 頭疼者以

督脉會於巔頂故也 大抵熱深厥亦深則舌捲囊縮肝
 筋也陰寒冷極亦捲縮須以口渴不渴足冷不冷脉沉實沉

細別之。厥陰屬熱者甚多後人皆指為極寒概用溫熱誤人無美熟讀傷寒論自知

傷寒六經治法方。諸方精義俱詳余所著傷寒類方中不更贅

桂枝湯俱本傷寒論治太陽中風頭疼發熱汗出惡風

桂枝三兩 去皮芍藥三兩甘草二兩 炙生薑三兩大棗十二枚 擘

右五味㕮咀以水七升微火煮取三升去滓適寒溫服一升服已須臾歎熱稀粥一升餘以助藥力溫覆令一時許通身漉漉微似有汗者益佳不可令如水流漓病必不除若一服汗出病差停後服不必盡劑若不汗更服依前法又不汗後服當小促其間半日許令三服盡

若病重者一日一夜服周時觀之服一劑盡病証猶在者更作服若汗不出者乃服至二三劑禁生冷粘滑肉

麩五辛酒酪臭惡等物。此服外感風寒之藥服法俱當如此

麻黃湯 治太陽中寒頭身俱痛發熱無汗惡風而喘

麻黃三兩 去節桂枝二兩 去皮甘草一兩 炙杏仁七十個 湯泡去皮尖

右四味以水九升先煮麻黃減二升去上沫內諸藥煮取二升半去滓溫服八合覆取微似汗不須啜粥餘如

桂枝法將息

桂枝麻黃各半湯 治傷寒向愈脉微緩惡寒身癢

桂枝一兩十六銖去皮芍藥酒洗生薑切甘草炙麻黃各一

兩去節大棗四枚杏仁二十四個湯浸去皮尖及兩仁者

右七味以水五升先煮麻黃一二沸去上沫內諸藥煮取一升八合去滓溫服六合令微汗則愈

桂枝加葛根湯 治太陽病項背強几几反汗出惡風

葛根四兩芍藥二兩甘草二兩生薑三兩切大棗十二枚擘桂

枝三兩去皮

右六味以水一斗先煮葛根減二升去上沫內諸藥煮取三升去滓溫服一升覆取微似汗不須啜粥餘如桂

枝法本方無麻黃若加麻黃則為葛根湯矣陳無巳本誤加

葛根湯 治太陽病項背強無汗惡風者又治太陽陽

明合病自下利者

葛根四兩麻黃二兩去節桂枝二兩去皮芍藥二兩切甘草二兩炙生

薑三兩切大棗十二枚擘

右七味咬咀以水一斗先煮麻黃葛根減二升去沫內諸藥煮取三升去滓溫服一升覆取微似汗不須啜粥餘如桂枝法將息及禁忌

葛根黃芩黃連湯 治太陽症誤下利遂不止喘而汗

出者此主之

葛根半斤 甘草炙 黃芩各二兩 黃連三兩

右四味以水八升先煮葛根減二升入諸藥煮取二升去滓分温再服

桂枝加芍藥湯 治太陽誤下腹滿時痛屬太陰也此

主之大實痛者加大黃一兩即桂枝加大黃湯

桂枝三兩 芍藥六兩 甘草二兩 生薑三兩 大棗十二枚

右五味以水七升微火煮取三升去滓適寒温服一升此即桂枝湯加芍藥一倍即另成一方而以之治太陰症分兩輕重之所關如此 太陰病必腹滿

大青龍湯 治太陽中風脈浮緊惡寒發熱身疼不汗

出而煩躁者

麻黃六兩 桂枝二兩 甘草二兩 杏仁四十粒 生薑三兩

大棗十二枚 石膏如雞子大碎

右七味以水九升先煮麻黃減二升去上沫內諸藥煮取三升去滓温服一升取微似汗汗出多者温粉撲之一服汗者停後服汗多亡陽遂虛惡風煩躁不得眠也

此風寒兩傷之方 按載大青龍何以不載小青龍蓋小青龍治傷寒不解心下有水氣之症非傷寒正方也 桂枝加桂湯 治燒針令其汗針處被寒核起微赤必

發奔豚炙其核上各一壯與此湯

即桂枝湯加桂二兩

小柴胡湯

治少陽中風往來寒熱胸脇苦滿心煩喜

嘔腹痛心悸頭汗出舌上胎白及婦人熱入血室等症

柴胡半斤

黃芩

人參

甘草各三兩

半夏半升 生

薑三兩

大棗十二枚

切擘

右七味水一斗二升煮取六升去滓再煎取三升溫服一升日三服 若胸中煩而不嘔去半夏人參加枳實一枚 若渴者去半夏加人參合前成四兩半枳實

根四兩

若腹中痛者去黃芩加芍藥三兩 若脇下

痞鞭去大棗加牡蠣四兩

若心下悸小便不利者去

黃芩加茯苓四兩

若不渴外有微熱者去人參加桂

三兩溫覆取微汗愈

若欬者去人參大棗生薑加五

味子半升乾薑二兩

此方加減法須細稔

大柴胡湯

治傷寒十餘日柴胡症仍在嘔而心下急

心中痞鞭而痛熱結在裏往來寒熱等症

柴胡半斤

黃芩三兩

芍藥三兩

半夏半升

生薑五兩 枳

實四枚

大棗十二枚

擘

大黃二兩

右八味以水一斗二升煮取六升去滓再煎温服一升日三服

大承氣湯

治傷寒十餘日吐下後不解晡時發潮熱

獨語如見鬼狀尋衣摸牀胃中有燥屎也此下之

大黃四兩酒洗厚朴半斤去皮炙枳實五枚炙芒硝三合

右四味以水一斗先煮二物取五升去滓內大黃煮取

二升去滓內芒硝更上微火一兩沸分温再服得下餘

勿服胃中非存燥屎之所此言胃中者指是陽明言即所謂胃中實是也乃腸胃之總名

小承氣湯

治汗多微發熱不惡寒或小便數而大便

鞭譏語者與此湯微和胃氣

大黃四兩厚朴二兩去皮炙枳實三枚炙

右三味以水四升煮取一升二合去滓分温二服初服

湯當更衣不爾者盡飲之若更衣者勿服之

調胃承氣湯

治胃氣不和不惡寒但熱腹微滿而煩

與此湯

大黃四兩清酒浸甘草二兩炙芒硝半斤

右三味咬咀以水三升先煮大黃甘草取一升去滓內

芒硝更上火微煮令沸少少温服不惡寒乃外邪已盡方可下此仲景之要

法

桃核承氣湯

治太陽病不解熱結膀胱其人如狂血

自下下者愈其外不解者尙未可攻宜先與桂枝解外
外解已但小腹急結此主之

桃仁

五十個
去皮尖

桂枝

二兩
去皮

大黃

四兩

芒硝

二兩

甘草

炙各
二兩

右五味以水七升煮取二升半去滓內芒硝更上火微
沸下火先令溫服五合日三服當微利

抵當湯

治傷寒六七日少腹鞭小便自利其人如狂

喜忘大便黑此有蓄血

水蛭

熬

蟪虫

各三十個
去翅足熬

桃仁

三十個
去皮尖

大黃

三兩
酒浸

右四味爲末以水五升煮取三升去滓溫服一升不下
再服

抵當丸

治傷寒有熱少腹滿應小便不利今反利者

爲有血也當下之不可餘藥

水蛭

二十個

蟪虫

二十個

桃仁

二十個
去皮尖

大黃

三兩

右四味杵分爲四丸以水一升煮一丸取七合服之
時當下血若不下者更服

大陷胸湯

治表未解而醫反下之胃虛而陽氣內陷

心下有鞭舌上燥渴小有潮熱心上至少腹痛不可近

大黃六兩 去皮 芒硝 一升 甘遂 一錢

右三味以水六升先煮大黃取二升去滓內芒硝煮一兩沸內甘遂末温服一升得快利止後服結胸乃水飲為患傷寒論

云此為水結故用甘遂

大陷胸丸

治病發於陽而反下之熱入因作結胸病

發於陰而反下之因作痞所以成結胸者以下之太早故也

大黃 半斤 葶藶子 熬

芒硝

杏仁 去皮尖熬 黑各半升

右四味搗篩二味內杏仁芒硝合研如脂和散取如彈

丸一枚別搗甘遂末一錢七白蜜二合水二升煮取一升温頓服之一宿乃下如不下更服取下為效

小陷胸湯

治病在心下按之則痛脉浮滑者

黃連 一兩 半夏 半升 洗 栝蘆實 大者 一個

右三味以水六升先煮栝蘆取三升去滓內諸藥煮取二升去滓分温三服

白虎湯

治脉滑而厥裏有熱也 又治三陽合病腹

滿身重識語遺尿自汗出者

知母 六兩 石膏 一斤 甘草 二兩 粳米 六合

右四味以水一斗煮米熟湯成去滓温服一升日三服

陽極於內發散則路遠故從小便去之

麻黃附子細辛湯

治少陰始得病反發熱脉沉者

麻黃 去節 細辛 各二兩 附子 一枚泡去皮破八片

右三味以水一斗先煮麻黃減二升去上沫內藥者取

三升去滓温服一升日三服

四逆散

治少陰傳經熱邪四逆或咳或悸或小便不利或腹中痛或泄痢下重者

甘草 炙 枳實 破水漬炙乾 柴胡 芍藥 各十分

右四味搗篩白飲和服方寸七日三服欬者加五味

子乾薑各五分并主下痢悸者加桂枝五分小便

不利者加茯苓五分腹中痛者加附子一枚炮令拆

泄痢下重者先以五升煮薤白三升煮取三升去滓

以散三方寸七內湯中煮取一升半分温再服 熱邪入深乃見

四逆誤認爲寒貽害匪細薤白能治下重以能洩大腸之氣也

四逆湯

治脉沉體痛温温欲吐下利清穀手足厥冷

內寒外熱脉微欲絕等症

上黃天麻附

甘草 二兩 乾薑 半兩 附子 一枚生用去皮破八片

右三味咬咀以水三升煮取一升二合去滓分温再服

強人可大附子一枚乾薑二兩 四逆湯不可輕用一症不具即當細審必諸症

皆全方可决用無疑

四逆加人參湯 治痢後亡血

本方加人參

通脉四逆湯 治下痢清穀脉絕汗出而厥

本方加乾薑一倍

通脉四逆加猪胆汁湯 治汗出而厥脉絕拘急

本方加猪胆汁

當歸四逆湯 治手足厥冷脉細欲絕脉浮草因爾腸

鳴者

當歸 桂枝 芍藥 各三兩 細辛 二兩 大棗 二十 甘草 五個

草 通草 各二兩

右七味以水八升煮取三升去滓温服一升日三服 此

逆症乃從太陽誤下所致非厥陰少陰之四逆也故仍以桂枝湯為主

理中丸及湯 治霍亂頭痛發熱身疼痛寒多不用水

者理中湯若大病瘥後喜唾久不了了胃上有寒者用

理中丸

人參

甘草炙

白朮

乾薑各三兩

右四味搗篩為末，蜜丸如雞子。黃大以沸湯數合和一丸，研碎，溫服之。日三服，夜二服。腹中未熱，益至三四丸。然不及湯。湯法以四物依兩數切，用水八升，煮取三升，去滓，溫服一升，日三服。四逆乃溫下焦中焦之法，理中為溫上焦中焦之法，各有部位也。

附子瀉心湯

治心下痞而復惡寒汗出

大黃二兩

黃連

黃芩

附子一枚

泡去皮，破別煮取汁

右四味切三味以麻沸湯二升漬之，須臾絞去滓，內附

子汁，分溫再服。

治上焦用生藥，故漬而不煎。附子能回陽止汗。

梔子豉湯

治汗吐下後虛煩不得眠及大下之後身

熱未去，心中結痛或微煩者。

梔子

十四枚，擘。香豉，四合，綿裹。

右二味以水四升，先煮梔子得二升半，內豉煮取一升，半去滓，分為二服，溫進一服，得吐者止後服。邪在至高吐之，所謂在上者因而越之也。吐之所謂在上者因而越之也。吐之所謂在上者因而越之也。

真武湯

治太陽汗出不解，仍發熱，心悸，頭眩，身瞶動

振振欲僻地者 又治少陰至四五日小便不利四肢沉重疼痛自下痢此為有水氣

茯苓 芍藥 生薑各三兩切 白朮二兩 附子一枚泡去皮破

片八

右五味以水八升煮取三升去滓温服七合日三服此治

水逆之 若欬者加五味半升細辛乾薑各一兩 若

小便利者去茯苓 若下痢者去芍藥加乾薑二兩

若嘔者去附子加生薑足前成半斤

大黃黃連瀉心湯 治傷寒脉浮緊而復下之緊反入

裏則作痞按之自濡但氣痞耳此主之

大黃二兩 黃連一兩

右二味以麻沸湯二升漬之須臾絞去滓分温再服凡

下焦之補劑當多煎以熟為主治上焦之瀉劑當不煎以生為主此亦治至高之熱邪故亦用生藥

白通湯 治少陰下痢

葱白四莖 乾薑一兩 附子一枚生用去皮破八片

右三味以水三升煮取一升去滓分温再服此為

白通加猪胆汁方 治服白通湯利不止汗出而厥逆

無脉乾嘔而煩服湯後脉暴出者死微續者生

即白通湯煎成內人尿五合猪胆汁一合分温再服

猪膚湯

少陰病下痢咽痛胸滿心煩者此主之

猪膚一斤

右一味以水一斗煮取五升去滓加白蜜一升白粉五

合熬香和令相得温分六服引少陰之虛火下達

甘草湯桔梗湯

治少陰咽痛先與甘草湯不瘥與桔

梗湯

甘草二兩

右一味以水二升煮減半去滓温服七合日二服

桔梗湯加桔梗一兩煎法同

此方制少陰在上之火

瓜蒂散

治太陽病胸中痞鞭氣上冲胸不得息此胸

中有寒也又或手足厥冷脉乍緊心中煩滿不能食病

在胸中並當吐之

瓜蒂熬

赤小豆各一分

右二味各別搗篩為散已合治之取一錢匕以香豉一

合用熱湯七合煮作稀糜去滓取汁和散温頓服之不

吐者少少加得快吐乃止諸亡血虛家不可與之

麻黃升麻湯

治傷寒六七日大下後厥逆寸脉沉遲

下部脉不至咽喉不利吐膿血泄痢為難治此主之

麻黃二兩半 去節 升麻 當歸各一兩 知母 黃芩

萎蕤各十銖 八銖 石膏碎綿 白朮 乾薑 芍藥

天冬去心 桂枝 茯苓 甘草炙各六銖

右十四味以水一斗先煮麻黃二兩沸去上沫內諸藥煮取三升去滓分溫三服令汗出愈

旋復代赭湯 治傷寒汗出吐下後心下痞鞭噫氣不

除此主之

旋復花三兩 人參二兩 生薑五兩切 半夏半升洗 代赭石

大棗十二枚擘 甘草三兩炙

右七味以水一斗煮取六升去滓再煎取三升溫服一升日三服

苦酒湯 治少陰病咽中生瘡聲不出者

半夏洗破十枚 雞子一枚去黃內

右二味內半夏著苦酒中以雞子殼置刀環中安火上令三沸去滓少少含嚥之不差更作三劑服之製法奇

枳實梔子豉湯 治大病瘥後勞復

枳實三枚炙 梔子十四枚擘 豉一升綿裹

右三味以清漿水七升空煮取四升內枳實梔子煮取二升下豉更煮五六沸去滓溫分再服覆令微似汗若有宿食者加大黃如博碁子大五六枚大病後勞復庸醫必作虛治乃

純用降氣瀉火之品當細參之

竹葉石膏湯

治傷寒解後虛羸少氣氣逆欲吐者方見

通治○壯火食氣故少氣者多屬火症

燒視散

治陰陽易病其人身重少氣少腹裏急陰中

拘攣熱上衝胸頭重不舉眼十生花膝脛拘急

右取婦人中視近陰處剪燒灰以水和服方寸七日

服小便利即利陰頭微腫則愈婦人病取男子視當燒灰

猪胆導法

以猪胆汁加醋內穀道中

蜜煎導法

以蜜煎老捩作指大一條內穀道中以手

按之

右二方俱治傷寒大發汗小便利津液內竭大便雖鞭不可攻之用此法

治男子新病起房內復者方

千金

取女人月經赤帛燒服方寸七亦治陰卵腫縮入腹絞痛欲死

治交接勞復陰卵腫縮腹中絞痛便欲死方千金

取所交接婦人衣服以覆男子立愈

竹皮湯外臺治交接勞復卵腫腹痛便絕欲死

青竹皮一升

右一味水三升煮五六沸絞汁頓服立愈此方范汪亦

治大便後勞復

療食勞方外臺

杏仁五十枚

右一味以酢二升煎取服之取汗則差

治結胸灸法本事

巴豆十四枚黃連七寸連皮用

右搗細末用津唾和成膏填入臍心以艾炙其上腹中

有聲其病去矣不拘壯數以病退為度纔灸了便以溫

湯浸手帕拭之恐生瘡也此法最穩凡胸中病俱可依此法外治

鵲石散本事治傷寒發狂棄衣奔走踰牆上屋

黃連各等分寒水石各等分

右為細末每服二錢膿煎甘草汁調服

鱉甲散活人書治傷寒八九日不瘥名曰壞症傷寒不能治

者宜此療之

升麻

前胡

去蘆

烏梅

去核

枳實

麩炒

犀角

鎊

黃

芩

各半

生地黃

切兩

甘草

一分

鱉甲

去裙米醋炙赤

黃杵碎用半兩

右剉如麻豆大每服抄五錢七水一盞半煎至八分去

滓溫服

升麻鱉甲湯

金匱

陽毒之為病面赤斑斑如錦文咽喉痛

唾膿血五日可治七日不可治此湯主之

升麻

二兩

當歸

一兩

蜀椒

炒去汗

甘草

二兩

鱉甲

手指

大一

片

雄黃

半兩

研

右六味以水四升煮取一升頓服之老小再服取汗

升麻鱉甲去雄黃蜀椒方

陰毒之為病面目青身痛

如被杖咽喉痛五日可治七日不可治升麻鱉甲湯去

雄黃蜀椒主之肘後千金方陽毒用升麻湯無鱉甲

有桂陰毒用甘草湯即本方無雄黃活人陽毒升麻湯

用犀角射干黃芩人參無當歸蜀椒鱉甲雄黃蜀椒辛

陽毒用而陰毒反去之疑誤活

梔子仁湯活人書治陽毒傷寒壯熱百節疼痛

梔子仁

一兩

柴胡

一兩

升麻

一兩

黃芩

各二

赤芍

一兩

大青 一兩 石膏 一兩 知母 一兩 甘草 半兩 杏仁 二兩湯浸去皮

共及雙仁者
麩炒微黃

右件搗為粗末每服抄四錢以水一盞入生薑半分豉一百粒煎至六分去滓不計時候溫服

還陽湯 本事方 治陰毒面色青四肢逆冷心燥腹痛

用硫黃末新汲水調下良久或寒一起或熱一起更看緊慢再服一二錢則為汗出差

萎蕤湯 活人書 治風溫兼療冬溫及春月中風傷寒發熱頭眩痛喉咽乾舌強胸內疼痞滿腰背強

萎蕤 二分 石膏 一兩杵碎 白薇 麻黃 湯泡焙 川芎

葛根 生者可用二兩尤妙 大羌活 去蘆 甘草 炙 杏仁 去皮尖雙仁搥碎各

半兩 青木香 一分冬一兩始春用半兩炒

右剉如麻豆大每服五錢水一盞半煎一盞日三四服 此清散之劑可治時疫

白虎加蒼朮湯 本事方 治濕溫多汗

知母 五兩 甘草 二兩炙 石膏 一斤 蒼朮 粳米 各三兩

右為末每服四錢水一盞半煎至七分去滓取汁溫服 黑膏 活人書 治溫毒發斑

好鼓 一升 生地黄 半斤 切

右二味以猪膏二斤合露之煎令三分減一絞去滓用

雄黃麝香如大豆者內中絞和盡服之毒便從皮中出

則愈凡外感之症治之得宜六七日間無不愈者過期

不愈皆治之不得其法所以或傳經或變病種種

現症不可窮極以致治法千端聚訟不息故仲景傷寒

論治傷寒之正法不過數首餘皆誤治之變症故取治

禱病之方隨症救療也按傷寒為外感之總名傳變

出人千頭萬緒仲景傷寒論一字不可遺漏今止舉大

經本症及六經主方數首以存大畧不可以此而廢全

書也能將傷寒全書熟讀而精通之則此為外感之病

遊刃有餘矣故此集外感

之方選錄甚少意有在也

金匱

論曰百合病者百脉一宗悉致其病也意欲食復不能食

常默然欲臥不能卧欲行不能行飲食或有美時或有不

用聞食臭時如寒無寒如熱無熱口苦小便赤諸藥不能

治得藥則劇吐利如有神靈者身形如和其脉微數每溺

時頭痛者六十日乃愈若溺時頭不痛漸然者四十日愈

若溺快然但頭眩者二十日愈其症或未病而預見或病

四五日而出或病二十日或一月微見者各隨症治之

百合病見于陰者以陽法救之見于陽者以陰法救之見

于陰者以陽法救之見于陽者以陰法救之見

陽攻陰復發其汗此為逆見陰攻陽乃復下之此亦為逆

此等症病後得之者甚多醫者不知多方誤治以致病氣日深不可救療始終無一人能識之者遍地皆然也
百脉一宗悉病蓋肺朝百脉故以百合治肺為主藥

百合病方

百合知母湯金匱百合病發汗後者主之

百合七枚知母三兩切

右先以水洗百合漬一宿當白沫出去其水更以泉水二升煎取一升去滓別以泉水二升煎知母取一升去滓後合和煎取一升五合分温再服

滑石代赭湯金匱百合病下之後者主之

百合七枚滑石三兩碎代赭石如彈丸大一枚碎綿裹

右先以水洗百合漬一宿當白沫出去其水更以泉水二升煎取一升去滓別以泉水二升煎滑石代赭取一升去滓後合和重煎取一升五合分温服

百合雞子湯金匱百合病吐之後者主之

百合七枚雞子黃一枚

右先以水洗百合漬一宿當白沫出去其水更以泉水二升煎取一升去滓內雞子黃攪勻煎五分温服

百合地黄湯 金匱 百合病不經吐下發汗病形如初者主之

百合 七枚 擘 生地黄汁 一升

右先以水洗百合漬一宿當白沫出去其水更以泉水二升煎取一升去滓內地黃汁煎取一升五合分溫再服中病勿更服大便常如漆

百合洗方 金匱 百合病一月不解變成渴者主之

百合一升以水一斗漬之一宿以洗身洗已食煮餅勿以鹽鼓也

栝蒌牡蠣散 金匱 百合病渴不差者主之

栝蒌根 牡蠣 熬等分

右為細末飲服方寸七日三服

百合滑石散 金匱 百合病變發熱者 一作發寒熱 主之

百合 一兩 炙 滑石 三兩

右為散飲服方寸七日三服當微利者止服熱則除

感冒方 附

九味羌活湯 張元素方 四時發散

羌活 防風 川芎 白芷 細辛 蒼

木 黃芩 甘草 生地

右加生薑三片葱白三莖水煎服此外感之總方惟生地不若易當歸為佳

此方之分兩當因病之輕重加減故不為一定之數

敗毒散活人書 治傷寒瘟疫風濕風眩拘蹇風痰頭痛目眩

四肢痛憎寒壯熱項強睛疼

羌活 獨活 前胡 柴胡 川芎 枳

殼 白茯苓 桔梗 人參各一兩 甘草五錢

右為細末每服二錢水一盞人生薑三片煎七分溫服或沸湯點服 煩熱口渴加黃芩

參蘓飲易簡 治感冒風寒頭痛發熱憎寒咳嗽涕唾稠黏

胸膈滿悶 衄弱無汗

人參 蘓葉 乾葛 前胡 陳皮 枳

殼 茯苓 半夏各八分 桔梗 木香 甘草

各五分 生薑五片 大棗一枚

右十三味水煎熱服取汗

以上三方乃感冒風寒之總法其病止在皮毛肌肉之中未入經絡故不能傳變大段驅散太陽陽明之風寒足矣其有食者則兼用消食之品可也此等症因時皆有南方最多

寒熱

靈素

靈口問篇帝曰人之振寒者何氣使然岐伯曰寒氣客於皮膚陰氣盛陽氣虛故爲振寒寒慄

素逆調論黃帝問曰人身非常溫也非常熱也爲之熱而煩滿者何也岐伯對曰陰氣少而陽氣勝故熱而煩滿也帝曰人身非衣寒也中非有寒氣也寒從中生者何岐伯曰是人多痺氣也陽氣少陰氣多故身寒如從水中出帝曰人有四肢熱逢風寒如炙如火者何也岐伯曰是人者陰氣虛陽氣盛四肢者陽也兩陽相得而陰氣虛少少水

不能滅盛火而陽獨治獨治者不能生長也獨勝而止耳逢風寒如炙如火者是人當肉燥也帝曰人有身寒湯火不能熱厚衣不能溫然不凍慄是爲何病岐伯曰是人者素腎氣勝以水爲事太陽氣衰腎脂枯不長一水不能勝兩火腎者水也而生於骨腎不生則髓不能滿故寒甚至骨也所以不能凍慄者肝一陽也心二陽也腎孤臟也一水不能勝二火故不能凍慄病名曰骨痺是人當學節也帝曰人之肉苛者雖近於衣絮猶尚苛也是爲何疾岐伯曰榮氣虛衛氣實也榮氣虛則不仁衛氣虛則不用榮衛

俱虛則不仁且不用肉如故也。人身與志不相有曰死。
移熱移寒。素氣厥論黃帝問曰：五臟六腑寒熱相移者，
何岐伯曰：腎移寒於脾，癰腫少氣；脾移寒於肝，癰腫筋攣；
肝移寒於心，狂隔中心；移寒於肺，肺消飲一溲二，死不治；
肺移寒於腎，為涌水，涌水者按腹不堅，水氣客於大腸，疾
行則鳴濯濯如囊裹漿水之病也；脾移熱於肝，則為驚衄；
肝移熱於心，則死；心移熱於肺，傳為鬲消；肺移熱於腎，傳
為柔痊；腎移熱於脾，傳為虛腸，澀死不可治；胞移熱於膀
胱，則癰溺血；膀胱移熱於小腸，鬲腸不便，上為口糜，小腸

移熱於大腸，為虛癢，為沉；大腸移熱於胃，善食而瘦，又謂
之食亦胃移熱於胆，亦曰食亦胆移熱於腦，則辛頰鼻淵。
鼻淵者濁涕下不止也，傳為衄，蟻瞑目，故得之氣厥也。

難經

寒熱之病，侯之如何也。然皮寒熱者，皮不可近席，毛髮焦
鼻藁不得汗，肌寒熱者，皮膚痛，唇口藁無汗，骨寒熱，初病
無所安，汗注不休，齒藁痛。陽維為病，苦寒熱。

傷寒論

病人身大熱，反欲近衣者，熱在皮膚，寒在骨髓也；身大寒

反不欲近衣者寒在皮膚熱在骨髓也

此種寒熱既非感冒亦非傷寒其淺深有皮膚骨髓之殊其久暫有歲月之異輕者有似感冒重者即變骨蒸所以內經以後諸書寒熱自有方論不入傷寒等法大段以清營中之熱為主其或有風有痰有積有瘀者則隨症消息之可也

寒熱方

四時加減柴胡湯 金匱 治五臟寒熱

柴胡 五分 白朮 各八分 大腹楸榔 四枚并皮子用 陳皮 五分 生薑 五分 桔梗 七分 已上冬三月柴胡稍多春三月減白朮增枳實夏三月又增甘草仍用枳實白朮秋三月同冬

三月惟陳皮稍多

右各咬咀分為三貼一貼以水三升煮取二升分溫三

服如人行四五里進一服渣再合煎一服 治寒熱總不能外柴胡

寒熱久者必有積滯分讀去聲二錢半為一分

天行熱病方 外臺 療天行三日外至七日不歇內熱令人

更相染着主大青消毒湯

大青 四兩 香鼓 八合熬綿裹 乾葛 梔子 各四兩 生地 一升切

芒硝 三兩

右六味切以水五升煮取二升半去滓下芒硝分三服

一方有石膏八兩忌蕪荑熱麩酒蒜等物此方專清陽明之熱

苦參湯 千金 療天行熱病五六日以上宜服

苦參 三兩 黃芩 二兩 生地黃 八兩

右三味切以水八升煮取二升去滓温服半升日再服

忌蕪荑

凝雪湯 外臺 療天行毒病七八日熱積胸中煩亂欲死

芫花 一升 右一味以水三升煮取一升半漬故布薄胸上不過再

三薄熱則除當温四肢護厥逆也 按本草芫花能治蠱毒消胸中痰水

大黃湯 外臺 療天行五六日不解頭痛壯熱四肢煩疼不

得飲食

大黃 胃 黃連 心肝 黃柏 腎 梔子 肺各半

一右四味以水八升煮六七沸內豉一升葱白七莖煮取

一三升去滓分三服此許推然方神良又療傷寒已五六

日頭痛壯熱四肢煩疼取汗並宜老小忌猪肉冷水 此

黃湯之變能除六經之熱

桃葉熏身法 外臺

水一石煮桃葉取七斗以薦席自圍衣被蓋上安桃湯

於牀簣下取熱自熏停少時當雨汗汗遍去湯待歇速粉之并炙大椎則愈

按寒熱之因千變萬殊有屬外感有屬內傷而外感內傷之中又各不同其外有屬痰飲有屬瘀血有屬積聚有屬敗症不可勝舉其治法各詳於本病條下當細審之此只錄時行熱病之數方耳

霍亂 附轉筋

傷寒論

問曰病有霍亂者何答曰嘔吐而利名曰霍亂問曰病發熱頭痛身疼惡寒吐利者此屬何病答曰此名霍亂自吐下又利止復更發熱也 傷寒其脈微澁者本是霍亂今

是傷寒却四五日至陰經上轉入陰必利本嘔下利者不可治也欲似大便而反失氣仍不利者屬陽明也便必鞭十三日愈所以然者經盡故也下利後當便鞭鞭則能食者愈今反不能食到後經中頗能食復過一經能食過之一日當愈不愈者不屬陽明也吐利發汗脈平小煩者以新虛不勝穀氣也 此霍亂是傷寒變症與霍亂本症微別

病源

霍亂者由人溫涼不調陰陽清濁二氣有相干亂之時其亂在於腸胃之間者因遇飲食而變發則心腹絞痛其有

先心痛者則先吐先腹痛者則先利心腹並痛者則吐利俱發挾風而實者身發熱頭痛體疼而復吐利虛者但吐利心腹刺痛而已亦有飲酒食肉腥膾生冷過度因居處不節或露卧濕地或當風取涼而風冷之氣歸於三焦傳於脾胃脾胃得冷則不磨不磨則水穀不消化亦令清濁二氣相干脾胃虛弱便則吐利水穀不消則心腹脹滿皆成霍亂霍亂脉大可治微細不可治霍亂吐下脉微遲氣息劣口不欲言者不可治此霍亂之正病言之最詳霍亂者是冷氣搏於腸胃致飲食不消但腹滿煩亂絞

痛短氣其腸胃先挾實故不吐利名爲乾霍亂也

霍亂而轉筋者由冷氣入於筋故也冷入於足之三陰三陽則脚轉筋入於手之三陰三陽則手轉筋隨冷所入之筋筋則轉轉者皆由邪冷之氣擊動其筋而移轉也

按轉筋之病金匱有雞屎白散一方附脚氣條下而轉筋之症不一有平時常轉筋者有霍亂而轉筋者并有轉筋入腹者當用木瓜吳茱萸等藥及外治湯熨之法以備選擇

霍亂轉筋方

五苓散

霍亂頭痛發熱多飲欲水者主之寒多不用

水者理中丸主之

二方俱傷寒論見通治

理中丸

此是寒霍亂之方百不得一者也誤用者害不旋踵

加減法 若臍上築者腎氣動也去木加桂四兩吐

多去木加生薑三兩 下多者還用木 悸者加茯苓

二兩 渴欲得水者加木足前成四兩半 腹中痛者

加人參足前成四兩半 寒者加乾薑成四兩半 腹

滿者去木加附子一枚 服湯後如食頃飲熱粥一升

許微自溫勿發揭衣服

霍亂轉筋入腹極鹹作鹽湯於糟中煖漬之則差千金

又方 以醋煮青布揜脚膝冷復易之

又方千金

治霍亂轉筋兩臂及脚胸脇諸轉筋並主之

香薷一把水者令極濃服二三升即差青木香亦佳

廣濟高良薑湯外臺 治霍亂吐痢轉筋入腹

高良薑四兩 桂心各四兩

右二味以水七升煮取二升去滓分三服此亦治寒霍亂之方

霍亂轉筋入腹方外臺

木瓜子根皮合煎湯服之

茱萸湯外臺 療霍亂轉筋不止

吳茱萸一升 甘草 乾薑各二兩 藜子一把 亂髮一兩

桂心 二兩

右六味以水七升煮取二升三合去滓分温三服

灸法 外臺 以手拗所患脚大母指當脚心急筋上七壯

又灸當足大母指聚筋上七壯 又灸足大母指下約

中一壯 又灸湧泉入腹者灸臍左二寸十四壯 又

灸股中大筋上陰一寸 轉筋四逆者灸兩乳根黑際

各一壯 轉筋欲死者灸臍上一寸十四壯

霍香正氣散 局方 一元散 河間 藜合香九 局方 香薷飲 局方

俱見 通治

卷

金匱

太陽病發熱無汗反惡寒者名曰剛瘧 一作瘧 餘同 太陽病發

熱汗出而不惡寒名曰柔瘧 太陽病發熱脉沉而細者

名曰瘧為難治 太陽病發汗太多因致瘧 夫風病下

之則瘧復發汗必拘急 瘡家雖身疼痛不可發汗汗出

則瘧 病者身熱足寒頸項強急惡寒時頭熱面赤自赤

獨頭動搖卒口噤背反張者瘧病也若發其汗者寒濕相

得其表益虛即惡寒甚發其汗已其脉如蛇 暴腹脹大

瘧瘧丸瘧瘧

卷三

三

者為欲解脉如故反伏弦者瘧 夫瘧脉按之緊如弦直
上下行 瘧病有灸瘡難治 太陽病其症脩身體強儿
几然脉反沉遲此為瘧 太陽病無汗而小便反多氣上
衝胸口噤不得語欲作剛瘧 瘧為病胸滿口噤卧不着
席脚攣急必介齒

瘧方

栝蕒桂枝湯 金匱 太陽病其症脩身體強几几然脉反沉
遲此湯主之

栝蕒根 二兩 桂枝 二兩 芍藥 各三兩 甘草 二兩 生薑 三兩

大棗 十二枚

右六味以水九升煮取三升分温三服取微汗汗不出
食頃啜熱粥法

麻黄加獨活防風湯 金匱 治剛瘧

麻黄 桂枝 各一兩 芍藥 三兩 甘草 半兩 獨活 防

風 各一兩

右六味每服一兩水煎

瘧病乃傷寒壞症小兒得之猶有愈者其餘則百難療
一其實者或有因下而得生虛者竟無治法金匱諸方
見效絕少

葛根湯 金匱 大承氣湯 金匱 桂枝加葛湯 有汗用見傷寒門 小續

命湯 見中風門

癰閉利淋

靈素

靈本輪篇三焦手少陽之脉入絡膀胱約下焦實則閉癰。虛則遺溺。五味篇酸走筋多食之令人癰。

素宣明五氣論膀胱不利為癰不約為遺溺。氣厥論胞移熱於膀胱則癰溺血。骨空論督脉為病癰痔遺溺。

金匱

淋之為病小便如粟狀小腹弦急痛引臍中。淋家不可發汗發汗則必便血。熱在下焦者則尿血亦令淋秘不通。小便不利者有水氣其人苦渴。

病源

石淋 淋而出石也腎主水水結則化為石。

氣淋 腎虛膀胱熱氣脹所為也。

膏淋 淋而有肥狀似膏故謂之膏淋亦曰肉淋此腎虛不能制於肥液故與小便俱出也。

勞淋 謂勞傷腎氣而生熱成淋也。

血淋 熱淋之甚者則尿血心主血血之行身通遍經絡
循環腑臟勞甚則散失其常經溢滲入胞而成血淋也

胞轉 其病狀臍下急痛小便不通是也或因小便應下
而強忍之或為寒熱所迫此二者俱合水氣還上氣於胞
使胞屈別不得充張外水應入不得入內洩應出不得出
外內相壅塞故令不通病至四五日乃有致死。者飽食訖
應小便而忍之或飽食訖而走馬或小便急疾走或忍水
入房皆令胞轉或胞落並致死數便為癰絕
不便為胞轉
尿床 小便乃水液之餘從膀胱入於胞夜卧則陽氣衰

伏不能制於陰所以陰氣獨發於眠睡不覺尿出也

癰閉利淋方

栝蘘麥圓 金匱 小便不利者有水氣其人苦渴此主之

栝蘘根 二兩 茯苓 三兩 萆蘘 三兩 附子 一枚 瞿麥 一兩

右五味末之煉蜜丸梧子大飲服三九日三服不知增
至七八丸以小便利腹中溫為知

滑石白魚散 金匱 主小便不利

滑石 二分 亂髮 二分 白魚 二分

右三味杵為散飲服半錢七日三服

茯苓戎鹽湯 金匱 小便不利主之

茯苓 半斤 白朮 二兩 戎鹽 一枚 彈丸大

右三味以水五升煮取三升分溫三服

猪苓湯 金匱 脉浮發熱渴欲飲水小便不利者主之

猪苓 去皮 茯苓 阿膠 滑石 澤瀉 各一兩

右五味以水四升先煮四味取二升去滓內膠烱消溫

服七合日三服 此蓄飲之症

治諸種淋方 千金

葵根 八兩 茅根 石首魚頭口 各三兩宜用頭中骨 甘草 一兩

通草 二兩 貝子 五合 天麻根 五兩

右七味咬咀以水一斗二升煮取五升分五服日三夜

二亦主石淋 治石淋尤切

石葦散 千金 治血淋

石葦 當歸 蒲黃 芍藥

右四味各等分治下篩酒服方寸七日三

胞轉方 千金 治丈夫女人胞轉不得小便八九日者

滑石 一斤 寒水石 碎一兩 葵子 一升

右三味以水一斗煮取五升盡服即利

療小便難方本事方治便難小腹脹不急治殺人

用葱白三斤細剉炒令熱以帕子裹分作二處更替運

臍下即通

石葦散局方治膀胱有熱淋瀝不宣或尿如豆汁或便出

砂石並治之

木通剉二兩石葦二兩去毛滑石 白朮 瞿麥 芍

藥 葵子各三兩當歸 甘草炙 王不留行

右為細末每服二錢小麥湯調下食前日二三服

藕蜜煎養老書治老人淋病小便不利痛悶之極

藕汁五合 白蜜五合 生地黃汁一升

右相和微火煎之令如飴空心含半匙漸漸下飲食忌

熱食炙肉此方亦治血淋

治石淋方千金翼

車前子二升絹袋貯以水八升煮取三升空腹頓服之

須臾當下石子宿勿食服之良

治熱淋方千金翼

白茅根四斤以水一斗五升煮取五升每服一升日三

夜二

四汁飲 治熱淋小便赤澀疼痛

葡萄取自然汁生藕取汁生地取汁白蜜各五合

右和勻先把一盞銀器石器內慢火熬沸不拘時溫服

牛膝膏 治死血作淋

桃仁去皮光歸尾各一兩牛膝四兩酒浸一宿赤芍各一兩半生地各一兩半

水十鍾微火煎至二碗入麝香少許分四次空心服如

夏月用凉水換此膏不壞

八正散寶鑑治諸淋

瞿麥 梔子 篇蓄 大黃 滑石 木

縮泉丸 治脬氣不足小便頻多燈心一錢煎服

烏藥 益智仁各等分三升者雞腸取一升分三服

右二味為末酒煮山藥糊丸如梧子大每服五十九空

心鹽湯送下一方有覆盆子

利尿床千金取雞臍脛一具并腸燒末酒服男雌女雄

威喜丸見通治蒲灰散見水腫龍腦雞蘘丸治五淋血崩見通治

右為末酒糊丸桐子大每服五十九加至百丸食前服

右和勻先把一茶匙器石器內慢火熬沸不拘時溫服

風善式 貝部 蕭刃婿 貝部 蕭淵藥蘇式 貝部 蕭見賊

白風末 千金 姐驪肌頸一具并製熟末配與製文蘇

心鹽懸效下 一衣市 配入磨香少許分四次空心服如

杏二和為末配燕山藥蘇式收蘇干大蘇與正十式空

急藥 益腎 各一

蘇泉式 白頭蘇不以小更難效

通 車前子 甘草 各一 加燈心一錢煎服

治小便失禁方 千金 以水三升煮雞腸取一升分三服

家韭子丸 治遺溺及陽氣衰敗白濁遺精

家韭子 炒六兩 鹿茸 四兩 肉苁蓉 酒浸 牛膝 酒浸 熟地

當歸 各二兩 兔絲子 酒浸 巴戟 各一兩 杜仲 半 石斛

桂心 乾薑 各一兩

右為末酒糊丸桐子大每服五十丸加至百丸食前鹽湯溫酒任下小兒遺尿者多因胞寒亦陽氣不足也別作小丸服

夜多小便方 子金 治膀胱冷故小便至夜獨多

雞腸 五具治如食法 羊腎 一具去脂並令乾 赤石脂 六兩 龍骨 三兩肉

菴蓉 四兩 川連 五兩 桂心 二兩

右七味為末每服方寸七日二服五日中作羊腎炙一

劑十日外作羊腎臙香味如常食飽與之

豬肚丸 治小便頻數

豬肚 一個蓮子一升同煮一 舶上茴香 五錢 破故紙 一兩

同去皮心焙乾為末 鹽水 炒 川練子 酒炒去核一兩 母丁香 三錢 加桑螵蛸 一兩尤效 蜜丸

桐子大每服五十九空心温酒送下

